

## CAPUT XXIII.

*Sub figura multiplicium stuprorum duarum meretricum Oolla & Ooliba ac punitionis earum, ostendit Dominus variam idolatriam Samaria & Ierusalem, propter quam tradendi sunt in opprobrium Gentibus, quarum sunt idolatriam imitati.*

Eodem  
ann. 3411.

1. **E**T factus est sermo Domini ad me, dicens:

2. Fili hominis, duæ mulieres filia matris unius fuerunt,

3. & fornicatae sunt in Ægypto, in adolescentia sua fornicatae sunt: ibi subacta sunt ubera earum, & fracta sunt mammae pubertatis earum.

4. Nomina autem earum Oolla maior, & Ooliba foror eius minor: & habui eas, & pepererunt filios, & filias. Porro earum nomina Samaria Oolla, & Ierusalem Ooliba.

5. Fornicata est igitur super me Oolla, & insanivit in amatores suos, in Assyrios propinquantes,

6. vestitos hyacinto, principes, & magistratus, iuvenes cupidinis, universos equites, ascensores equorum.

7. Et dedit fornicationes suas super eos electos, filios Assyriorum universos: & in omnibus, in quos insanivit, in immunditiis eorum polluta est.

8. Insuper & fornicationes suas, quas habuerat in Ægypto, non reliquit: nam & illi dormierunt cum ea in adolescentia eius, & illi confregerunt ubera pubertatis eius, & effuderunt fornicationem suam super eam.

9. Propterea tradidi eam in manus amatorum suorum, in manus filiorum Assur, super quorum insanivit libidine.

\* Supr. 16.  
37.

10. \* Ipsi discooperuerunt ignominiam eius, filios, & filias eius tulerunt, & ipsam occiderunt gladio: & facta sunt famosae mulieres, & iudicia perpetraverunt in ea.

11. Quod cum vidisset foror eius Ooliba, plusquam illa insanivit libidine: & fornicationem suam super fornicationem fororis suae

12. ad filios Assyriorum praebuit impudenter, ducibus, & magistratibus ad se venientibus indutis veste varia, equibus qui vestabantur equis, & adolescentibus formam cunctis egregiam.

13. Et vidi quod polluta esset via una ambarum.

14. Et auxit fornicationes suas: cumque

vidisset viros depictos in pariete, imagines Chaldaeorum expressas coloribus,

15. & accinctos balteis renes, & tiasas tinctas in capitibus eorum, formam ducum omnium, similitudinem filiorum Babylonis, terraeque Chaldaeorum, in qua orti sunt,

16. insanivit super eos concupiscentia oculorum suorum, & misit nuncios ad eos in Chaldaeam.

17. Cumque venissent ad eam filii Babylonis ad cubile mammaram, polluerunt eam stupris suis, & polluta est ab eis, & saturata est anima eius ab illis.

18. Denudavit quoque fornicationes suas, & discooperuit ignominiam suam: & recessit anima mea ab ea, sicut recesserat anima mea a forore eius.

19. Multiplicavit enim fornicationes suas, recordans dies adolescentiae suae, quibus fornicata est in Terra Ægypti.

20. Et insanivit libidine super concubitum eorum, quorum carnes sunt ut carnes asinorum: & sicut fluxus equorum fluxus eorum.

21. Et visitasti scelus adolescentiae tuae, quando subacta sunt in Ægypto ubera tua, & confracta sunt mammae pubertatis tuae.

22. Propterea Ooliba, haec dicit Dominus Deus: Ecce ego suscitabo omnes amatores tuos contra te, de quibus satiata est anima tua: & congregabo eos adversum te in circuitu,

23. Filios Babylonis, & universos Chaldaeos, nobiles, tyrannosque & principes, omnes filios Assyriorum, iuvenes formam egregiam, duces, & magistratus universos, principes principum, & nominatos ascensores equorum:

24. & venient super te instructi curru, & rota, multitudo populorum: lorica, & clypeo, & galea armabuntur contra te undique: & dabo coram eis iudicium, & iudicabunt te iudiciis suis.

25. Et ponam zelum meum in te, quem exercent tecum in furore: nasum tuum, & aures tuas praecident: & quae remanserint, gladio concident: ipsi filios tuos, & filias tuas capient, & novissimum tuum devorabitur igni.

26. Et denudabunt te vestimentis tuis, & tollent vasa gloriae tuae.

27. Et requiescere faciam scelus tuum de te, & fornicationem tuam de Terra Ægypti: nec levabis oculos tuos ad eos, & Ægypti non recordaberis amplius.

28. Quia haec dicit Dominus Deus: Ecce ego

ego tradam te in manus eorum, quos odisti, in manus, de quibus satiata est anima tua.

29. Et agent tecum in odio, & tollent omnes labores tuos, & dimittent te nudam, & ignominiam plenam, & revelabitur ignominia fornicationum tuarum, scelus tuum, & fornicationes tuae.

30. Fecerunt haec tibi quia fornicata es post Gentes, inter quas polluta es in idolis earum.

31. In via fororis tuae ambulasti, & dabo calicem eius in manu tua.

32. Haec dicit Dominus Deus: Calicem fororis tuae bibes profundum, & latum: eris in derisum, & in subsannationem, quae est capacissima.

33. Ebrietate, & dolore repleberis: calice meroris, & tristitiae, calice fororis tuae Samariae.

34. Et bibes illum, & epotabis usque ad faeces, & fragmenta eius devorabis, & ubera tua lacerabis: quia ego locutus sum, ait Dominus Deus.

35. Propterea haec dicit Dominus Deus: Quia oblita es mei, & proiecisti me post corpus tuum, tu quoque porta scelus tuum, & fornicationes tuas.

36. Et ait Dominus ad me, dicens: Fili hominis numquid iudicas Oollam, & Oolibam, & annuncias eis scelera earum?

37. Quia adulteratae sunt, & sanguis in manibus earum, & cum idolis suis fornicatae sunt: in super & filios suos, quos genuerunt mihi, obtulerunt eis ad devorandum.

38. Sed & hoc fecerunt mihi: Polluerunt sanctuarium meum in die illa, & sabbata mea profanaverunt.

39. Cumque immolarent filios suos idolis suis, & ingrederentur sanctuarium meum in die illa ut polluerent illud: etiam haec fecerunt in medio domus meae.

40. Miserunt ad viros venientes de longè, ad quos nuncium miserant: itaque ecce venerunt: quibus te lavisti, & circumlinisti stibio oculos tuos, & ornata es mundo muliebri.

41. Sedisti in lecto pulcherrimo, & mensa ornata est ante te: thymiamina meum, & unguentum meum posuisti super eam.

42. Et vox multitudinis exultantis erat in ea: & in viris, qui de multitudine hominum adducebantur, & veniebant de deserto, posuerunt armillas in manibus eorum, & coronas speciosas in capitibus eorum.

43. Et dixi ei, quae attrita est in adulteris: Nunc fornicabitur in fornicatione sua etiam haec.

44. Et ingressi sunt ad eam quasi ad mulierem meretricem: sic ingrediebantur ad Oollam, & Oolibam mulieres nefarias.

45. Viri ergo iusti sunt: hi iudicabunt eas iudicio adulterarum, & iudicio effundentium sanguinem: quia adulteratae sunt, & sanguis in manibus earum.

46. Haec enim dicit Dominus Deus: Adduc ad eas multitudinem, & trade eas in tumultum, & in rapinam:

47. Et lapidentur lapidibus populorum, & confodiantur gladiis eorum: filios, & filias earum interficient, & domos earum igne succendent.

48. Et auferam scelus de terra, & discent omnes mulieres ne faciant secundum scelus earum.

49. Et dabunt scelus vestrum super vos, & peccata idolorum vestrorum portabitis: & scietis quia ego Dominus Deus.

## CAPUT XXIV.

*Sub figura olla, electioribus carnium partibus ac ossibus plena, ignique admota, & sub figura mortis uxoris Ezechielis, pro qua iussus est nullum facere luctum, significat Dominus domum Israel in exitium tradendam, filiosque eius trucidandos, nullo sequente luctu pra animi stupore.*

1. **E**T factum est verbum Domini ad me in anno nono, \* in mense decimo, decima die mensis, dicens:

2. Fili hominis scribe tibi nomen diei huius, in qua confirmatus est rex Babylonis adversum Ierusalem hodie.

3. Et dices per proverbium ad domum irritatricem parabolam, & loqueris ad eos: Haec dicit Dominus Deus: Pone ollam: pone, inquam, & mitte in eam aquam.

4. Congere frusta eius in eam, omnem partem bonam, femur & armum, electa & ossibus plena.

5. Pinguissimum pecus assume, compone quoque strues ossium sub ea: effervit coctio eius, & discocata sunt ossa illius in medio eius.

6. Propterea haec dicit Dominus Deus: Vae civitati sanguinum, olla, cuius rubigo in ea est, & rubigo eius non exivit de ea: per partes & per partes suas ejice eam, non cecidit super eam fors.

7. Sanguis enim eius in medio eius est,

\* Regni  
Sedeciae,  
sive de-  
portati te-  
choniam, M.  
3414.  
Ante Chr.  
590.  
† Gr. ἀπα-  
πειρωτο  
contra fi-  
xit.

super limpidissimam petram effudit illum: non effudit illum super terram ut possit operiri pulvere.

8. Ut superinducem indignationem meam, & vindictam ulciscerem: dedi sanguinem eius super petram limpidissimam ne operiretur.

9. Propterea haec dicit Dominus Deus: *Nab. 3. 1.* *Hab. 2. 12.* Vx civitati sanguinum, cuius ego grandem faciam pyram.

10. Congere ossa, quae igne succendam: confumentur carnes, & coquetur universa compositio, & ossa tabescent.

11. Pone quoque eam super prunas vacuum, ut incalescat, & liquefiat as eius: & conflatur in medio eius inquinamentum eius, & consumatur rubigo eius:

12. multo labore sudatum est, & non exivit de ea nimia rubigo eius, neque per ignem.

13. Immunditia tua execrabilis: quia mundare te volui, & non es mundata à fordidibus tuis: sed nec mundaberis prius, donec quiescere faciam indignationem meam in te.

14. Ego Dominus locutus sum: Veniet, & faciam: non transeam, nec parcam, nec placabor: iuxta vias tuas, & iuxta adinventiones tuas iudicabo te, dicit Dominus.

15. Et factum est verbum Domini ad me, dicens:

16. Fili hominis, ecce ego tollo à te desiderabile oculorum tuorum in plaga: & non planges, neque plorabis, neque fluent lacrymae tuae.

17. Ingemisce tacens, mortuorum luctum non facies: corona tua circumligata sit tibi, & calceamenta tua erunt in pedibus tuis, nec amictu ora velabis, nec cibos lugentium comedes.

18. Locutus sum ergo ad populum manè, & mortua est uxor mea vesperè: fecique manè sicut praeceperat mihi.

19. Et dixit ad me populus: Quare non indicas nobis quid ista significant, quae tu facis?

20. Et dixi ad eos: Sermo Domini factus est ad me, dicens:

21. Loquere domui Israël: Haec dicit Dominus Deus: Ecce ego polluam sanctuarium meum, superbiam imperij vestri, & desiderabile oculorum vestrorum, & super quo pavet anima vestra: filii vestri, & filiae vestrae, quas reliquistis, gladio cadent.

22. Et facietis sicut feci: Ora amictu

non velabitis, & cibos lugentium non comedetis.

23. Coronas habebitis in capitibus vestris, & calceamenta in pedibus: non plangetis neque flebitis, sed tabescetis in iniquitatibus vestris, & unusquisque gemet ad fratrem suum.

24. Eritque Ezechiel vobis in portentum: iuxta omnia, quae fecit, facietis cum venerit istud: & scietis quia ego Dominus Deus.

25. Et tu fili hominis ecce in die, quam tollam ab eis fortitudinem eorum, & gaudium dignitatis, & desiderium oculorum eorum, super quo requiescunt animae eorum, filios, & filias eorum:

26. In die illa cum venerit ugiens ad te, ut annunciet tibi:

27. In die, inquam, illa aperietur os tuum cum eo, qui fugit: & loqueris, & non silebis ultra: erisque eis in portentum, & scietis quia ego Dominus.

## CAPUT XXV.

*Regionibus Ammon, Moab, Idumaea & Palaestina minatur Dominus exitium, eod quod filios Israël afflixerint, & de ipsorum afflictione exultaverint.*

1. ET factus est sermo Domini ad me, dicens:

2. Fili hominis pone faciem tuam contra filios Ammon, & prophetabis de eis.

3. Et dices filiis Ammon: Audite verbum Domini Dei: Haec dicit Dominus Deus: Pro eo quod dixisti: Euge, euge super sanctuarium meum, quia pollutum est: & super terram Israël, quoniam desolata est: & super domum Iuda, quoniam ducti sunt in captivitatem:

4. Idcirco ego tradam te filiis orientali-  
bus \* in hereditatem, & collocabunt caulas suas in te, & ponent in te tentoria sua: ipsi comedent fruges tuas: & ipsi bibent lac tuum.

5. Daboque Rabbath in habitaculum camelorum, & filios Ammon in cubile pecorum: & scietis quia ego Dominus.

6. Quia haec dicit Dominus Deus: Pro eo quod plauisisti manu, & percussisti pede, & gavisa es ex toto affectu super terram Israël:

7. Idcirco ecce ego extendam manum meam super te, & tradam te in direptionem Gentium, & interficiam te de populis, & perdam de terris, & conteram: & scies quia ego Dominus.

8. Haec

\* i. Chaldaeis, quod factum esse videtur dum Nabuch. Tyrum obsideret, ubi per annos 13. permansisse eum refert. Iosaph. 10. Antiq. 12. & lib. 1. contra Apion.

8. Haec dicit Dominus Deus: Pro eo quod dixerunt Moab, & Seir: Ecce sicut omnes Gentes, domus Iuda:

9. Idcirco ecce ego aperiam humerum Moab de civitatibus, de civitatibus, inquam, eius, & de finibus eius inclytas terrae Bethiesimoth, & Beelmeon, & Cariathaim,

10. filiis Orientis cum filiis Ammon, & dabo eam in hereditatem: ut non sit ultra memoria filiorum Ammon in Gentibus.

11. Et in Moab faciam iudicia: & sciet quia ego Dominus.

\* Ann. M. 3417. Ant. Chr. 587. V. Ier. 49. 7. 12. Haec dicit Dominus Deus: Pro eo quod fecit Idumaea ultionem ut se vindicaret de filiis Iuda, peccavitque delinquens, & vindictam expetivit de eis;

13. Idcirco haec dicit Dominus Deus: Extendam manum meam super Idumaeam, & auferam de ea hominem, & iumentum, & faciam eam desertam ab Austro: & qui sunt in Dedan, gladio cadent.

14. Et dabo ultionem meam super Idumaeam per manum populi mei Israël: & facient in Edom iuxta iram meam, & furor meum: & sciet vindictam meam, dicit Dominus Deus.

15. Haec dicit Dominus Deus: Pro eo quod fecerunt Palaestini vindictam, & uli se sunt toto animo, interficientes, & implentes inimicitias veteres:

16. propterea haec dicit Dominus Deus: Ecce ego extendam manum meam super Palaestinos, & interficiam interfectores, & perdam reliquias maritimae regionis:

17. faciamque in eis ultiones magnas arguens in furore: & sciet quia ego Dominus, cum dederò vindictam meam super eos.

## CAPUT XXVI.

*Tyri inclyta urbis praedicit Dominus everstionem, eod quod super vastatione Ierusalem exultaverit.*

1. ET factum est in undecimo anno, \* prima mensis, factus est sermo Domini ad me, dicens:

2. Fili hominis, pro eo quod dixit Tyrus de Ierusalem: Euge contractae sunt portae populorum, conversa est ad me: implebor, deserta est.

3. Propterea haec dicit Dominus Deus: Ecce ego super te Tyre, & ascendere faciam ad te gentes multas, sicut ascendit mare fluctuans.

4. Et dissipabunt muros Tyri, & de-

struent turres eius: & radam pulverem eius de ea, & dabo eam in limpidissimam petram.

5. Siccatio saganarum erit in medio maris, quia ego locutus sum, ait Dominus Deus: & erit in direptionem Gentibus.

6. Filiae quoque eius, quae sunt in agro, gladio interficientur: & sciet quia ego Dominus.

7. Quia haec dicit Dominus Deus: Ecce ego adducam ad Tyrum Nabuchodonosor regem Babylonis ab Aquilone regem regum, cum equis, & curribus, & equitibus, & coetu, populoque magno.

8. Filias tuas, quae sunt in agro, gladio interficiet: & circumdabit te munitioibus, & comportabit aggerem in gyro: & elevabit contra te clypeum.

9. Et vineas, & arietes temperabit in muros tuos, & turres tuas destruet in armatura sua.

10. Inundatione equorum eius operiet te pulvis eorum: à sonitu equitum, & rotarum, & curruum movebuntur muri tui, cum ingressus fuerit portas tuas quasi per intritum urbis dissipatae.

11. Ungulis equorum suorum conculcabit omnes plateas tuas: populum tuum gladio cadet, & statuae tuae nobiles in terram corruent.

12. Vastabunt opes tuas, diripient negotiationes tuas: & destruent muros tuos, & domos tuas praclaras subvertent: & lapides tuos, & ligna tua, & pulverem tuum in medio aquarum ponent.

13. \* Et quiescere faciam multitudinem \* Ierem. 7. 34. cantorum tuorum, & sonitus cithararum tuarum non audietur amplius.

14. Et dabo te in limpidissimam petram, siccatio saganarum eris, nec aedificaberis ultra: quia ego locutus sum, ait Dominus Deus.

15. Haec dicit Dominus Deus Tyro: Numquid non à sonitu ruinae tuae, & gemitu interfectorum tuorum cum occisi fuerint, in medio tui commovebuntur insulae?

16. Et descendent de sedibus suis omnes principes maris: & auferent exuvias suas, & vestimenta sua varia abjicient, & induentur stupore: in terra sedebunt, & attoniti super repentino casu tuo admirabuntur.

17. Et affumentes super te lamentum, dicent tibi: Quomodo peristi, quae habitas in mari, urbs inclyta, quae fuisti fortis in mari cum habitatoribus tuis, quos formidabant universi?

18. Nunc

\* Deportati Iechonias, Mundi 3416. prima die mensis item primi.